

Daingnich ma chreideamh ann na bha
 Is beothaich gradh am ebridhe stigh,
 Is neartaich mi chum umhlachd dha,
 Ann uile aitheanta naomh a lagh.

O dean mi phlanndach ann an Crìosd !
 'S mo chrìonach brisidh mach le blath;
 Is bidh gach subhaile 's naomha gleus,
 Mar mheas a lub mo g'eug gu lar.

Gach inbhe 'n cuir thu mi san t-saogh!
 Dean daonnan toilicht' mi le 'm staid;
 Ma's bochd, no beartach, tinn, no slan,
 Do thoil gu brath biodh deant air fad.

O 's grasmhor Dia 'n air bheir e seach !
 'S gu beachd tha DHIULTADH lan do GHEADH
 'S fìor-bheannachd ann an atharach dreach;
 Gach CROIS is CREACH a thig o laimh.

O buidheachas do Dhia nan gras
 Chuir chugam slanui'fhear nam buadh;
 Eiric mo shaorsa chi na bhas;
 'S an luach a phaidh air m' anam truagh.

'S e fein do chlaon a dhruim faoi m' chnail;
 Chum mànam dhìreadh suas gu Dia!
 Chosd gach tiodhlac th' agam uaith,
 Geur-chradh is osun' chruaidh do chliabh.